



Broj: 04/B-06-11-JČ-153-2/26

Sarajevo, 02.02.2026. godine

Ministarstvo vanjske trgovine i ekonomskih odnosa BiH

g. Staša Košarac, ministar

Ministarstvo komunikacija i transporta BiH

g. Edin Forto, ministar

Ministarstvo civilnih poslova BiH

gđa. Dubravka Bošnjak, ministrica

Predmet: 34. Poziv za dostavu aplikacija tehničke pomoći u okviru Investicijskog okvira za Zapadni Balkan – 34. TA ograničeni poziv

Poštovani,

Obavještavamo da je Evropska komisija objavila 34. poziv za dostavljanje aplikacija tehničke pomoći u okviru Investicijskog okvira za Zapadni Balkan (Western Balkans Investment Framework - WBIF).

S tim u vezi, posebnu pažnju skrećemo na činjenicu da je ovo ograničeni poziv za tehničku pomoć za pripremu infrastrukturnih projekata u oblasti Okolina i klima, kao i za finansiranje projekata iz indikativne liste u okviru Instrumenta za reformu i rast.

Također, koristimo priliku da sa vama podijelimo i slijedeće informacije:

- popunjavanje aplikacije će se odvijati u dvije faze (faza 1 – usklađenost sa strateškim okvirom i kriterijima prihvatljivosti i faza 2 – popunjavanje preostalih poglavlja), što je vidljivo u novom obrascu grant aplikacije (u dvije boje);
- DG ENEST može ponuditi podršku za ciljanu izgradnju kapaciteta ograničenom broju korisnika, kako bi ih podržao u pripremi poglavlja iz faze 2, a što se odnosi na pripremu Projektnog zadatka (iskazivanje interesa u poglavlju 28.1 – faza 1);
- moguće je tražiti podršku za prevazilaženje specifičnih prepreka koje odlažu pripremu projekta ili njegovu implementaciju, pod uvjetom da se u grant aplikaciji detaljno analiziraju/dobro obrazlože razloge i jasno predstavi korištenje grant sredstava u svrhu rješavanja postojećih problema;
- snažno se podržavaju nove aplikacije koje će se implementirati u okviru javno-privatnog partnerstva;

I dalje ostaje da prilikom pripreme projektnih prijedloga, treba obratiti:

- da se projektni prijedlozi dostavljaju vezano za pet oblasti: održivi transport, čista energija, okolina i klima, digitalna budućnost i razvoj ljudskog kapitala;
- da projektni prijedlozi budu povezani sa Ekonomskim i investicijskim planom za Zapadni Balkan (EIP), odnosno sa njegovim flagship-om (ili da spadaju u obim EIP flagship-a);
- na postojanje usvojenih relevantnih cjelodržavnih sektorskih strateških dokumenata.

Više informacija o kriterijima prihvatljivosti vezano za predmetni Poziv dato je u Prilogu 1.

Podsjećamo da su osnovni uvjeti za apliciranje za WBIF slijedeći:

- da zahtjev za grant sredstvima bude povezan sa investicijom, te da bude praćen kreditnim aranžmanom (koji je u fazi pregovaranja ili je već sklopljen) između Bosne i Hercegovine i neke od međunarodnih

financijskih institucija uključenih u WBIF (Evropska banka za obnovu i razvoj, Evropska investicijska banka, Razvojna banka Vijeća Evrope, Razvojna banka SR Njemačke, Svjetska banka, te Francuska razvojna agencija), uz razmotrene financijske mogućnosti aplikanta za zaduživanjem u budućnosti;

- navedena vodeća međunarodna finansijska institucija mora izraziti interes/podršku projektu koji se predlaže i biti konsultovana pri izradi projektnog prijedloga (grant aplikacije);
- također, zbog finansijskih obaveza koje se stvaraju, neophodno je konsultovanje relevantnih ministarstava finansija prilikom apliciranja po pitanju mogućnosti zaduživanja vezano za predloženi projekat (ukoliko je u pitanju novo zaduženje).

Samo dobro napisani projektni prijedlozi, nakon što prođu provjeru dobijaju i pozitivnu ocjenu.

Pozivamo vas da u svojstvu koordinirajuće institucije informišete sve relevantne korisnike na različitim nivoima vlasti u sektorima iz vaše nadležnosti o detaljima ovog Poziva, te pristupite pripremi i prikupljanju projektnih prijedloga koje zadovoljavaju kriterije poziva. Također vas molimo da prilikom pripreme projektnih prijedloga, aplikantima pružite neophodnu podršku, kako bi aplikanti obezbijedili tražene informacije, a sva resorna ministarstva dobila relevantne podatke za davanje mišljenja o aplikacijama.

U skladu sa Instrukcijama za izradu i dostavljanje grant aplikacija u BiH sa rokovima za izvršavanje aktivnosti (Prilog 2), molimo vas da najkasnije do **13.02.2026. godine** Direkciji za evropske integracije putem elektronske pošte (sabina.dizdarevic@dei.gov.ba i jasmina.cengic@dei.gov.ba) dostavite nacrt aplikacija u novom obrascu GAF (Prilog 3).

Finalne aplikacije, kao i ocjena zadovoljavanja kriterija 34. TA poziva (Prilog 4), trebaju biti dostavljeni Direkciji za evropske integracije putem dopisa, najkasnije do **20.02.2026. godine**, kako bi se na osnovu dostavljene ocjene sačinio prijedlog liste aplikacija za usvajanje od strane Državnog odbora za investicije Bosne i Hercegovine.

Detaljnije informacije o apliciranju za sve aktuelne pozive Investicijskog okvira za Zapadni Balkan možete dobiti putem web stranice <https://www.wbif.eu/about/how-apply-wbif-grant>

Elektronska forma aplikacionog paketa će biti proslijeđena e-mailom sektorskim koordinatorima/voditeljima projekata u vašoj instituciji.

S poštovanjem,



Priloga: (4)

1. Informacija o kriterijima prihvatljivosti za 34. poziv za tehničku pomoć
2. Instrukcije za izradu i dostavljanje grant aplikacija u BiH – 34. TA poziv
3. Obrazac WBIF grant aplikacije: Project Grant Application Form (e-mailom)
4. Obrazac Tabele ocjene zadovoljavanja uslova WBIF-a – 34. TA poziv

Dostavljeno:

1. Naslovu
2. Članovima Državnog odbora za investicije BiH (e-mail)
3. Sektorskim koordinatorima/Voditeljima projekata (e-mail)
4. WBIF menadžer za BiH (e-mail)
5. a/a